



DEMOKRATSKA FRONTA

Klub zastupnika Demokratske fronte u Skupštini Kantona Sarajevo

Zastupnik: Senad Hasanović

Broj: 37/19

U Sarajevu, 25.09.2019. godine

BOSNA I HERCEGOVINA

FEDERACIJA BOSNA I HERCEGOVINA

KANTON SARAJEVO

SKUPŠTINA KANTONA SARAJEVO

VLADA KANTONA SARAJEVO

PREDMET: ZASTUPNIČKO PITANJE

Poštovani,

Zašto nije legalizovano groblje Vlakovo sa administrativnom zgradom i pratećim objektima jer je kompletna procedura provedena 1984.godine, prilikom izgradnje navedenih objekata ?

Ko je nadležan za uklanjanje i zašto još uvijek nisu uklonjeni, nelegalni objekti koji se nalaze ispred groblja Vlakovo, a u kojima se bez odgovarajućih dozvola, obavljaju djelatnosti ugostiteljstva, zanatskih radova i maloprodaje ?

Zašto još uvijek nije izdata građevinska dozvola koja je neophodna za realizaciju kapitalnih projekata na groblju Vlakovo, posebno kad se uzme u obzir činjenica da je vlasnik zemljišta Zavod za izgradnju Kantona Sarajevo, a da navedene projekte realizira KJKP „POKOP“ d.o.o. Sarajevo ?

Obrazloženje:

Na osnovu raspoloživih informacija realizacija kapitalnih projekata na groblju Vlakovo, zbog administrativnih problema, teče izuzetno sporo.

Naime, za realizaciju navedenih projekata neophodno je riješiti tri ključna pitanja:

- Legalizacija administrativne zgrade, pratećih objekata na groblju Vlakovo i groblja Vlakovo;
- Uklanjanje nelegalnih objekata koji se nalaze ispred groblja Vlakovo;
- Pribavljanje građevinske dozvole.

Prilikom izgradnje groblja Vlakovo 1984.godine, preduzeće je imalo sve potrebne dokumente, međutim, u toku agresije na Bosnu i Hercegovinu, dokumentacija vezana za groblje Vlakovo je izgubljena, pa tako danas ni KJKP „POKOP“ d.o.o. Sarajevo kao ni Zavod za izgradnju nemaju dozvolu za građenje za objekat groblja, kao ni za objekte koji se nalaze na groblju Vlakovo.



Obzirom da je riječ o objektima koji su nesporno legalno izgrađeni zašto se ne pokrene procedura njihove legalizacije ?

Na dijelu imovine koja se nalazi u vlasništvu Zavoda za izgradnju Kantona Sarajevo, a na kojem je planirao realizacija kapitalnih projekata na groblju Vlakovo nalaze se nelegalni privatni objekti u kojima se vrši prodaja cvijeća, pružaju klesarske i ugostiteljske usluge, obzirom da se radi o objektima koji usporavaju realizaciju nekih od najznačajnijih projekata u Kantonu, zašto nadležne institucije ne uklone navedene objekte?

KJKP „POKOP“ d.o.o. Sarajevo je kapitalne projekte na groblju Vlakovo planiralo na zemljištu koje je u vlasništvu Zavoda za izgradnju Kantona Sarajevo, obzirom da je riječ o kantonalnom preduzeću i kantonalnoj instituciji, kako je moguće da je jedan od ključnih problema za realizaciju ovog izuzetno značajnog projekta nepostojanje dozvole za građenje.

Molim pisani odgovor.

Zastupnik u Skupštini Kantona Sarajevo
Senad Hasanović